

西。白蘭，據丁謙考證，在柴達木盆地，正當鄯善之南，與柴達木隔阿爾金山。然由柴達木至卡爾克里克有大路可通行，諒古與今同。若然，則慕利延攻于闐時必取道鄯善與且末，而西至于闐。魏書傳中有『渡流沙』一語，其形迹至爲顯然。若然，則鄯善且末之併入吐谷渾始於慕利延，即魏太平真君三年或六年事也。又按魏書太延五年平涼。太平真君二年沮渠無諱謀渡流沙，三年至鄯善，襲據高昌。六年魏遣萬度歸伐鄯善，擒其王真達，以其地爲郡縣。如慕利延在太平真君三年過鄯善，伐于闐，則適當無諱據鄯善時，無諱勢力尙強，擁有鄯善且末高昌，未必讓吐谷渾通過。如過鄯善在六年，則適當萬度歸伐鄯善時，吐谷渾亦不敢經過。故余對於慕利延之攻于闐，頗致懷疑。即令確有其事，亦必不在太平真君三年至六年之間也。因此鄯善之併入吐谷渾疑不在此時。又按魏書稱：興安元年，拾寅始居伏羅川。時魏太武被弒，國內亂，無暇顧及西陲，故吐谷渾得乘機擴充其勢力。是吐谷渾之兼併鄯善且末，疑在魏文成帝興安元年以後也。以後魏與吐谷渾雖迭有攻戰，然均不足以制吐谷渾之發展。至魏孝明帝正光元年，伏連籌之子夸呂立，漸強盛。永安三年，始稱可汗，居伏俟城。史稱夸呂所據：『東西二千里，南北千餘里。』故夸呂時爲吐谷渾最盛時期，而鄯善且末爲其服役久矣。故宋雲至鄯善時爲吐谷渾王第二子所統也。歷周至隋，其境宇均未有變更。隋書吐谷渾傳略云：『隋煬帝時，伏允爲鐵勒所敗，帝出兵掩之，伏允南遁，故地皆空。自西平臨羌以西，且末以東，祈連以南，雪山以北：東西四千里，南北二千里，皆爲隋有。置郡縣鎮戍。大業末，天下亂，伏允復其故地。』按此爲隋大業四年事也。是大業四年以前，鄯善仍爲吐谷渾所有。煬帝滅吐谷渾，置鄯善郡，統顯武濟遠二縣；且末郡統肅寧伏戎二縣，與西海郡河源郡同隸雍州，此煬帝大業五年事也。隋並築鄯善鎮以鎮撫之，所築之城即今所見卡爾克里克之遺址也。是鄯善在隋時一度爲隋所併。及大業末，隋亂而伏允仍居故土，鄯善仍爲吐谷渾所統。至唐初滅吐谷渾，而鄯善遂內屬於唐矣。新唐書吐谷渾傳略云：『隋末慕容伏允寇邊，郡縣不能禦。太宗初，屢侵掠。貞觀九年，詔李靖侯君集等率六總管以討之。伏允西走圖倫磧，將托于闐。會追及，伏允遂自殺。』可證也。是吐谷渾擁有鄯善且末，始於魏文成帝興安